



BLOQUE NACIONALISTA GALEGO

CONCELLO DE TEO

O Grupo municipal do BLOQUE NACIONALISTA GALEGO no Concello de Teo, ao abeiro do Regulamento orgánico municipal do Pleno da Corporación, presenta a seguinte moción **en apoio das reivindicacións da comunidade educativa: polo mantemento de todas as liñas de primaria no CEIP de Calo** para o seu debate en Pleno.

Exposición de motivos:

No ámbito educativo a pandemia puxo de manifesto a improvisación constante e mesmo a irresponsabilidade das autoridades educativas. A principio do curso 2020-21 a Consellería deixou ao CEIP Os Tilos sen comedor escolar, o que provocou graves inconvenientes e gran preocupación ás familias, así como unha importante tensión nos centros durante todo o curso. As confusas e cambiantes instrucións da Consellaría de Educación dificultan a posta en marcha de cada curso, ao que se lle engadeu neste último curso o sobre esforzo de toda a comunidade educativa, das familias e dos cadros docentes.

A Consellaría estivo agardando que rematara o curso para, en pleno período estival, asestar un novo golpe ao ensino público galego e nomeadamente á veciñanza de Teo. A primeiros de xullo, co curso xa rematado e moito do profesorado fóra dos centros, a Xunta de Galiza vén de tomar unha grave decisión de cara ao ano académico 2021-22 que afecta ao CEIP de Calo.

Continuando coa política de recortes, e de total ausencia de sensibilidade, a Consellaría de Educación quere suprimir unha das tres aulas de cuarto de primaria malia ser este un curso no que hai varios casos de alumnos e alumnas con



necesidades educativas especiais. Todo isto sen ter en conta as verdadeiras carencias dos centros educativos e, o que é máis grave, as necesidades do alumnado máis vulnerábel. Nese nivel educativo o centro ten máis dun dez por cento de alumnado con necesidades educativas especiais, mesmo dous con trastorno de espectro autista.

A Consellaría ampárase na coñecida como Lei Celaá para reducir esta aula argumentando que non incumpren as ratios. A devandita Lei impón límites máximos de alumnos mais non mínimos, non ten ningún sentido reducir os servizos e a atención ao alumnado, mermando a calidade do ensino, a atención e menoscabando os dereitos do alumnado. Trátase, pois, dunha decisión antipedagóxica que non ten en conta os nenos e nenas nin ás familias que se manifestan en contra desta medida.

O *modus operandi* da Consellaría é inxustificábel: aplicación de decisións consumadas e comunicadas, sen opción a réplica, xa rematado o curso e tentando eliminar calquera atisbo de resposta ou mobilización, a falla de diálogo cos centros e as familias e o menosprezo absoluto pola participación e a opinión dos representantes dos pas e nais.

Os pasos dados pola Consellaría, comprometen á dirección do centro é o equipo docente e tratan de impedir que se manteña neste centro educativo o mesmo persoal co que contou este ano, poñendo así en risco o seu correcto funcionamento con menos persoal e ratios máis altas. Xustamente nun momento no que a pandemia segue viva e no que o que se require é o contrario: Reducir as ratios para evitar a incidencia da pandemia e sobre todo para atender mellor a diversidade e poder contar cun ensino público realmente integrador, equitativo e de calidade.



Por estes motivos, o BNG solicita do Pleno da Corporación Municipal a adopción do seguinte acordo:

1. Instar á Consellaría de Cultura, Educación e Universidade da Xunta de Galiza que manteña na súa totalidade o persoal educativo dos CEIPs de Teo, e en particular no de Calo, así como que se garanta a continuidade de todos os servizos.
2. Apoiar as reivindicacións das comunidades educativas dos centros públicos de Galiza que se opoñen ao peche de colexios e ao deterioro do ensino público.
3. Dar traslado deste acordo á Consellaría de Cultura, Educación e Universidade e a todos os grupos políticos do Parlamento de Galiza.

Teo, 9 de xullo de 2021

Asdo. Manuel Barreiro Rozados



Sede electrónica
Concello de Teo

Solicitud Xeral

CONCELLO
DE TEO

Travesía da Ramallosa, 38 15883 A Ramallosa - Teo -
A Coruña
Tlf. 981 815 700 - sede@teo.gal

CANLE DE NOTIFICACIÓN

Notificación Postal

Notificación Telemática

DATOS DO PRESENTADOR

| | | | |
|-----------|------------------------|------------------|-----------------|
| NIF | Nome | Primeiro Apelido | Segundo Apelido |
| 33294443B | MANUEL | BARREIRO | ROZADOS |
| Teléfono | Correo Electrónico | Notificar a | |
| 660757067 | manuelbarreiro@teo.gal | PRESENTADOR | |

Domicilio de Notificación

| | | |
|---------------|----------|-----------|
| Código Postal | Concello | Provincia |
| | | Coruña, A |

ACTUANDO

Actuando en nome propio

Representando, en calidade de

EXPOSICIÓN

Como Concelleiro Portavoz do BNG

SOLICITUDE

Achego unha moción para o seu debate no vindeiro pleno do concello



| |
|------------------------------|
| Fecha 09-07-2021 10:49:21 |
| Nº Registro: 202199900001890 |
| Exp.: |
| Página 2 de 3 |



CONCELLO
DE TEO

Sede electrónica
Concello de Teo

Travesía da Ramallosa, 38 15883 A Ramallosa - Teo -
A Coruña
Tif. 981 815 700 - sede@teo.gal

Solicitud Xeral

CONFORMIDADE

MANUEL BARREIRO ROZADOS con NIF 33294443B,

Declaro que son certos os datos a asinar, mostro a miña conformidade co contido do documento e confirmo a miña vontade de asinar.

De acordo co disposto na Lei Orgánica 3/2018 de Protección de Datos de Carácter Personal e Garantía dos Dereitos Dixitais, informámolo/a de que os datos facilitados serán tratados pola Entidade Local coa finalidade de poder atender a súa solicitude. Os devanditos datos serán tratados de xeito confidencial, e só poderán ser cedidos, nos casos contemplados na Lei. Comunicámoslle que pode exercer os dereitos de acceso, rectificación, supresión, oposición, limitación ó tratamento e portabilidade dos seus datos, usando o procedemento de Exercicio de Dereitos da Sede Electrónica.

Máis Información: https://sede.teo.gal/opencms/gl/sobrelasede/proteccion_datos/



| |
|------------------------------|
| Fecha 09-07-2021 10:49:21 |
| Nº Registro: 202199900001890 |
| Exp.: |
| Página 3 de 3 |

DOCUMENTACIÓN ADICIONAL (Hash SHA1)

- Moción 21-07-09 CEIP Calo

111 KBytes /QtVbTOSHa0jznqBjnO2HmAqy6U=

Documento con CSV 017A-8A74-E4D9*0087-6F62 firmado por Concello de Teo con CIF P1508300I. Verificable en Sede Electrónica



